

هكذا تكون تربية الأبناء | لقاء مهم للشيخ الحويني

أبو إسحاق الحويني

ان الحمد لله تعالى نحمده ونستعين به ونستغفره وننعواز بالله تعالى من شرور انفسنا وسبئات اعمالنا من يهدى الله تعالى فلا مضل له
ومن يضل فلا هادي له. واشهد ان لا اله الا الله وحده لا شريك له. واشهد ان محمدا عبد ورسوله - 00:00:00

رسوله اما بعد فان اصدق الحديث كتاب الله تعالى واحسن الهدى لهدي محمد صلى الله عليه واله وسلم وشر الامور محدثاتها وكل
محدثة بدعة وكل بدعة ضالة وكل ضالة في النار. اللهم صل على محمد - 00:00:25

محمد وعلى آل محمد كما صليت على ابراهيم وعلى آل ابراهيم في العالمين انك حميد مجید. وبارك على محمد وعلى آل محمد كما
باركت على ابراهيم وعلى آل ابراهيم في العالمين إنك حميد مجید. قال عبادة ابن الوليد - 00:00:45
ابن عبادة ابن الصامت رحمه الله فقلت له انا. اي قلت لابي اليسر لان المقطع السابق الذي انتهينا منه امس كان حوارا بين الوليد بن
عبدة ابن الصامت رحمه الله ورضي عن ابيه. آآ الحوار اليوم - 00:01:05

او المقطع الذي آآ نشرحه اليوم هو بين لابني اللي هو عبادة ابن الوليد ابن الصامت قال فقلت انا له اي فقلت لابي اليسر يا
عمي لو انك اخذت - 00:01:35

غلامك واعطيته مع واحد معاذريه. واعطيته بردتك فكان عليك حلة وعليه حلة فمسح رأسه وقال اللهم بارك فيه. يا ابن اخي
عيوني هاتين وسمع اذني هاتين ووعاه قلبي هذا وشار الى مناطق قلبه - 00:01:55

رسول الله صلى الله عليه واله وسلم وهو يقول اطعمونهم مما تأكلون والبسوهם مما لا تلبسون وكان ان اعطيته من متع الدنيا اهون
علي من ان يأخذ من حسنتي يوم القيمة آآ البردة والمعافري - 00:02:25

هما يعني يشبه الازار والرداء ولكن البردة تكون بلون والمعافري يكون بلون. فابو كان يلبس بردة مثلا بيضاء. ويلبس معافريا والغلام
يلبس بردة سوداء ومعافري الابيض فقال لو انك اخذت بردته بحيس يكون على كل واحد حلة بلون - 00:02:55

واحد لو انك اخذت بردته واعطيته معافريا والعكس فكان على كل واحد منكم حلة كاملة فمسح رأسه وقال يا ابن اخي طبعا
ابوه ليس اخا لابي اليسار. لكنه استخدم - 00:03:35

اذب الالفاظ وهو ان ينسب المرء الى الاخوة. اغلى حاجة في الدنيا الاخ. بعد الوالدين طبعا. الاخ اغلى من الابن او هكذا ينبغي.
ولذلك في سورة الشعراء مثلا كذبت قوم - 00:04:15

نوح المرسلين اذ قال لهم اخوهم نوح الا تتقون. ويذكر لفظ وصف النبي بالاخ حتى في معرض القتل فمن عفي له من اخيه شيء ولم
يقل من قاتله. ليه؟ لحن قلبولي الدم. فيبقى - 00:04:45

زي استخدام لفظ الاخ هنا عشان يحنن قلبه. احنا عندنا مسل يقول لك اللي يتعرّض في حاجة يقول اخ. اخ اللي هو
اقرب الناس اليه اقرب مذكور في المحبة هو الاخ. فلما قال فمن عوفي له من اخيه ولم يقل فمن عفي له من قاتله - 00:05:15

والمسألة هنا مسألة عفو كأنه يقول لولي الدم اعف. فيبقى لابد من استخدام خطاب يرقق القلب. وفي القيامة قال الله عز وجل يوم
يفر المرء من اخيه اول واحد وامه وابيه. فلما تكون الدنيا مضبوطة الاخ - 00:05:45

ينبغي ان يكون اقرب الناس. اقرب من الولد. لو الموازين صح. لذلك النبي عليه الصلاة والسلام لما سأله المغيرة ابن شعبة عن الدجال
واكثر من السؤال عن الدجال. قال ما - 00:06:15

منه يا ابن اخي. انت خايف منه ليه؟ عامل له شغلانة ليه؟ مروع منه ليه فيقول له يا ابن اخي فهي لفظة جميلة تدل على الحنان

وتدل على القرب طبعا بعض الناس الحديث اللي هو بتاع المغيرة ابن شعبة بوب عليه النووي في صحيح مسلم في كتاب الادب -

00:06:35

قال باب جوازي ان يقول الرجل لغير ابنه يابني وهذا لا يعارض قوله تعالى ادعوهم لبائهم. ليه؟ قال لك ادعوهم لبائهم اي في

اصل النسب في شهادة الميلاد في الاوراق الرسمية لما ينسب نفسه لا ينسب نفسه لغير ابيه انما في المناداة - 00:07:05

ممکن. تقول له يا ابن اخي انما الذي كرهه العلماء ان ينادي من ليس بمحرم باسم المحارم كما فشى في بلاد المسلمين. الرجل يدخل مع مراته اي بقالة ولا بتاع يقول لها عايزه حاجة يا ماما - 00:07:35

مش بيحصل ولا؟ اه. ليه؟ تقول لها يا ماما ليه؟ او تقول لابنك يا بابا يا بابا ما عدتش تعمل كده تاني. طب ايه دخل بابا في الموضوع؟

فقال لك يبقى يكره ان ينادي بالمحارم - 00:07:55

يكره ان ينادي بالمحارم لأن هي المرأة اللي هي مراته ليست امة. فده يبقى فيه نوع من الكراهية. لكن يا ابن اخي اه فيها نوع من الحنان فيها نوع من رقة القلب ولذلك مسح على رأسه. وهذا المسح يدل على - 00:08:15

آآ رعاية رعاية لقلب هذا الولد كأنه آآ آآ اعجب لنباذه. وفطان ولذلك دعا له قال اللهم بارك فيه طب ليه ما قالوش اللهم بارك فيك؟ وهو واقف قدامه ليه استخدم ضمير الغائب؟ قال لك استخدام ضمير - 00:08:35

الغائب للحاضر اسمه التفات. وهذا اجود في التعبير. واوصل القلب عشان كده اي رجل متصرد للدعوة وهو يخاطب الجماهير ينفي ان يتتجنب تاء الخطاب وكافي الخطاب. يقول مسلا ايه؟ فاذا - 00:09:05

شربت الخمر مثلا فانت ملعون. هيقوم اللي مستمع يحس ان هو بيلعنه. اذا زنت في النار وبنس المصير. ما هي تخرب بيتك ان شاء الله. فيقوم اللي مستمع يحس كان انت ايه؟ بترمييه بحجر - 00:09:35

غير لما تقول فان زنا فهو في النار. فان شرب الخمر عذب خلاص؟ يبقى ايه؟ يبقى فيه نوع من الالتفات. وده اجود اجود في التعبير واوصل بالخلق. ولذلك قال اللهم بارك فيه. بعدما مسح رأسه ودعا له. وهذا من حسن الخلق. اذا - 00:09:55

ناداك احد وانت تجيبيه ادع له. تقول له ماذا تريدي؟ حفظك الله. اذا خاطبته بارك الله فيك. اليس معك كذا وكذا؟ ده بيبقى ايه؟ فيه نوع من الوصل بالقلب. النبي عليه الصلاة والسلام - 00:10:25

اه كان اذا ناداه رجل قال له يا ليك مع ان ليك نحن نقولها بغير ياء لأن ليك معناه اجاية بعد اجاية. او انا مقيم على طاعتكم فيستخدم افضل الالفاظ ويما ان ده دي اصلها للتنبيه. يا ان ده انما هي للتنبيه - 00:10:45

ولبيك ايضا تنبيه. يبقى تنبيه مع تنبيه في منتهى الاهتمام. ولذلك يعني اه لم يكن جيدا لما قال رجل مرة يا ابا القاسم وكان في واحد في الصحابة يكنى بابي القاسم كمان - 00:11:15

وهو ينادي على صاحبه والنبي صلى الله عليه وسلم موجود في المجلس. يا ابا القاسم فالتفت اليه وقال يا ليك. قال لم اعنف مش انت. اشوف بقى الفرق. فقال النبي صلى الله عليه وسلم تسموا باسمي - 00:11:35

ولا تكون بكتينتي. ليه؟ حتى لا يقع انسان في مخالفة الادب كما حدث هنا. فسموا باسم ولا تكون بكتينته. عشان كده العلماء لما نظروا هل يجوز للرجل ان يكنى بابي القاسم؟ ام لا - 00:11:55

في عنده ابو القاسم الطبراني احد ائمة الحديث وابو القاسم البغوي احد ائمة فهل يا ترى هؤلاء خالفوا لما قال تكونوا تسموا باسمي ولا تكونوا بكتينتي. العلماء رعاية لهذا الحديث - 00:12:15

الذي ذكرته الان قالوا انما نهي عن التكنيه به وهو حي حتى لا يلتبس. فلما مات صلى الله عليه وسلم امنا من الالتباس. لما واحد ينادي على واحد يقول له يا ابا القاسم لن يكون لن يتصور احد انه ينادي النبي صلى الله عليه وسلم. فربطوا ايه - 00:12:35

الحكم بالعلة دي. فلما زالت العلة زال الایه؟ زال المعلول معها كما يقال يعني. فهوقصد يعني شف النبي صلى الله عليه وسلم لما يقول يا ليك يعني الحق احنا واحنا بند على بعض او بنطلب من بعض حاجة لا مانع وهذا من حسن الخلق ان تشفع كلامك بالدعاء لاخيك - 00:12:55

اتعود لسانك على كده. تعود لسانك على كده. آآ في طبقات الشافعية تاج الدين السبكي وابوه تقى الدين السبكي على ابن عبدالكافى كان اماما مجتهدا ومن اقران شيخ الاسلام ابن تيمية اللي هو ابوه تقى الدين. بيحكى تاج الدين في الطبقات. يقول كنت مرة مع ابي فمر بنا - 00:13:15

كلب فقلت له مر كلب ابن كلب. بيقول للكلب اللي ماشي عدى يا كلب يا ابن الكلب تمام. فنهاد والده. فقال له اليس كلب ابن كلب؟ فقال رويينا اي كانه قال لي اسناد يعني الى الكلام الذي ساقوله رويينا اي اختصر الاسناد يعني. يبقى ايه - 00:13:45 معلق مش كده طيب قال رويينا عن عيسى عليه السلام انه من به خنزير. فقال له مر بسلام فسئل في ذلك فقال اكره ان اعود لسانى على الشر. المسألة مسألة تعود يعني انت مسلا لما تكون بتهزز دايما مع صاحبك وتقول له تعال يا كزا رح يا كزا. خلاص بقت لازمة على لسانك. بدون ما - 00:14:15

تقصد بدون ما تشعر بتنطلق هذه الكلمة. انت لما تتبعود حتى مع اولادك. اذا الولد جاب حاجة تقول له جراك الله خيرا انما تقصد ان تعلم الولد كيف يقول لك ولغيرك اذا اسدى اليه معروفا. كما علمنا الله - 00:14:55

عز وجل. قال الحمد لله رب العالمين. حمد نفسه ليعلمنا كيف نحمده. كما يقول اهل العلم. يبقى انا ابني في البيت اعلم. اقول له بارك الله فيك هات الكوب ده. بارك الله فيك افتح الباب. بارك الله فيك رد على الهاتف - 00:15:15

جزاك الله خيرا. احسن الله اليك. بورك فيك. هداك الله. اي كلام جميل. وانت بتطلب اي حاجة وانت تشكر على اي حاجة تعود لسانك على اللازمه دي. الولد يطلع متعود على كده. وينشأ ناشي الفتىان منا على ما كان عوده ابوه - 00:15:35

ارجو اه ويعني اه ان تفعلو مع ابنائكم مثل ما تفعلوا مع الشجرة التي تغرسونها على باب بيتكم. انت لما ما تجيب شجرة عود طري. وتزرعه قدام باب البيت. بتعلمل فيه ايه؟ مش بتتشد بحد؟ لأن الشجرة ازا سبتها هتطلع - 00:15:55

خلاص؟ انت بتعلمل ايه؟ شد الساق الشجرة بحبل وتربيطه في وتد. ليه؟ علشان يطلع عدل. لو تركت الشجرة لحد ما بقت قد كده وحببت تجيئ بقى جنازير وبتاع والكلام ده هتخلعلها من جدرها - 00:16:15

خلاص ان الفصون اذا قومتها اعتدلت ولا يلين اذا قومتها الخشب. طول ما هو كده يشده ييجي معك. فما تجيئ بقى تهمل الولد تربية الولد بتلم له فلوسه ومتغرب وسايبه والكلام ده وبعدين تعوض حنانك وغيابك - 00:16:35

فلوس. زي معظم اللي هم تركوا بلادهم للبحث عن السعة في الرزق. يروحوا شهرین في السنة ولا يروحوا شهر في السنة. لما يروح بحاول يعوض غيابه. مش ممكن يبقى غايب طول السنة ويروح يعمل غضنفر في البيت. يقول له ولدك كده غلط كده عيب كده كده يبقى الشهرين اللي - 00:16:55

وهيكره ابوه كمان فيقوم ايه يشوف الغلطة ويمررها على اساس ان ايه الواد ما يكرهوش خلاص لا احنا عايزين نعامل الاولاد معاملة الغصن الذي تزرعه امام البيت. يبقى انت بقى ايه؟ تعود الولد حسن الكلام حسن الخطاب - 00:17:15 ولا مانع ان تشفع ذلك بان تمسح على رأسه او ان تربط على كتفه او على ظهره يبقى اي ايه؟ حاجة فيها اشعار بهذا الحنان زي ما عمل ابو اليسر لما آآ فطن الى نباهة الغلام - 00:17:35

هو بيقول له المسألة دي قال اللهم بارك فيه يا ابن اخي بصر عيني هاتين وسمعبني هاتين ووعاه قلبي واسعار الى مناطق قلبه رسول الله صلى الله عليه وسلم قال اطعموهم مني - 00:17:55

تاكلون والبسوهم مما تلبسون. طب الامر هنا على الوجوب ولا على الاستحباب؟ طبعا معرفة الامر عن الوجوب ولا على الاستحباب هذه مسألة عظيمة. لتعلموا ان ديننا دين محكم. وان المسألة ليست عفو الخاطر ابدا - 00:18:15

ابدا. وان اي واحد يقول واجب ولا مستحب ده هذا خاضع لضوابط علمية ما عرفتها امة من الامم. احنا عندنا الامر. الاوامر ثلاثة. اي في فعل امر يقابلك في اي كلام لا يخرج عن ثلاثة انماط. اما ان يكون - 00:18:45

واما ان يكون مستحبا واما ان يكون مباحا. برضو ده ايه؟ دي حصة في الفقه احنا بنتكلم بعد بعد صلاة العشاء في اصول الحديث. ده اصول الفقه بقى. اصول الحديث واصول الفقه - 00:19:15

لا حips الطافر لا يستطيع انسان ان ينهض الا اذا درس هذين العلمين الجليلين كجناحي طافر علم الحديد يصحح لك الدليل وعلم اصول الفقه يصحح لك الاستنباط والفهم يبقى انا بعد ما اتأكد من صحة الحديث السؤال ما المطلوب من هذا الكلام؟ الذي صح عن النبي صلى الله عليه وسلم؟ المطلوب منه - 00:19:35

اعمله لازم اعمله واذا ما عملتوش اثم ولا اذا عملته اثاب وما عملتوش لا اثم ولا انا حر اعمله او ما هي دي التلات انواع. الواجب ما طلب فعله من المكلف على سبيل الحد واللازم. ما لكش - 00:20:05

احتياطية. افعل يعني لازم تفعل. اقيموا الصلاة. اقم اقيموا فعل امر هاتوا الزكاة. فعل امر. صم رمضان. فعل امر. تمام طيب. صلوا قبل المغرب. صلوا قبل المغرب. صلوا قبل المغرب اهو ده امر. العلماء يقولون الامر مجرد يفيد الوجه - 00:20:25 ليه ؟ لانه جاي من فوق. ما هو الامر اما يجي من فوق تحت واما من فوق واما من النزير مع النزير. اذا جه من فوق تحت دي تبقى اوامر عليا - 00:21:05

يبقى لا اختيار لك. طب اذا جه من تحت فوق يعني انا مسلا اما اقول رب اغفر لي مش اغفر دى فعل امر. اي الفرق بينها وبين اقم الصلاة؟ قال لك اللي قال اقم الصلاة - 00:21:25

رب العالمين فوق. فالامر جاي من فوق لك وما لكش اختيار بقى. اوامر عليا. تمام طب انت لما بتقول له رب اغفر لي اغفر فعل امر اه. بس قال لك هذا يفيد الرجاء والتوصيل. يبقى الامر اللي يجي من - 00:21:45

تحت فوق مش على الوجوب ابدا. انما هو تذلل وتوصيل. طب الامر بقى اللي هو بييجي من من نظير لنظير قال لك ده اسمه الطلب. فاللي بييجي من فوق تحت اسمه الواجب. تمام - 00:22:05

واللي بييجي من النزير للنزير اسمه الطلب. يدخل بقى في الایه؟ في المباح. وعلى ابن ابي طالب عبر عن التلات حاجات دي بكلام جميل. قال ايه؟ قال احسن الى من شئت تكون اميرا. واستغني عن - 00:22:25

عن شئت تكون نظيره. واحتاج الى من شئت تكون اسيرا. كلامه كان جميل وماشي يعني. تمام؟ فاحنا النهاردة لما النبي صلى الله عليه وسلم يقول اطعموهم مما تأكلون والبسوهم مما تلبسون. اطعم فعل امر - 00:22:45

البس فعل امر. العلماء قالوا ان هذا على الاستحباب. لانه لا يشترط ان اطعمه من طعام لكن لازم اكله. تأكله اي حاجة. مما تقيم صلبه. خلاص؟ لانه مملوك عنه المهم لا يجوع. يأكل. ويلبس لا يشترط ان يلبس من نفس القماشة التي البسها انا. المهم انه - 00:23:15

يلبس برد وبيواري عورته. يبقى الامر هنا على الاستحباب. هل ابو اليسر اخذ الامر على الاستحباب خده على الوجوب. لانه ليس زيه بالزيط. اهي دي لفترة تانية تعرفك من هم الصحابة - 00:23:45

لان المملوك مش مطلوب المساواة مطلوب المساواة تواسيه ولا يشترط ان يساويك. انما تواسيه. الصحابة ما كانواش بيعملوا كده. الصحابة انتقلوا من المساواة الى المساواة. كان الواحد منهم اذا تلقى الامر نفذه تنفيذ من - 00:24:05

يراه واجبا. كانوا يصلون الى سقف التنفيذ. هو النهاردة لو هو اكله ولا لبسه اي حاجة مش برضه قام بما اوجبه الله عليه. لكنه ما واساه بمثل هذا بل سواه - 00:24:35

وده ليه؟ لانهم كانوا اذا تلقوا الامر ما يقدوش بقى يقول لك واجب ولا مستحب. اذا كان مستحب يبقى ما حر. اعمل ما اعملش عايز ثواب مش عايز ما كانواش الصحابة كده ابدا. آآ في الصحيحين من حديث سعيد بن مرجانة - 00:24:55

انه سمع ابا هريرة رضي الله عنه يقول قال رسول الله صلى الله عليه وسلم من اعتق رقبة مسلمة اعتق الله عز وجل عنه بكل عضو عضوا حتى انه ليعتقد بالرجل واليد واليد وبالفرج - 00:25:15

فلو فيه عتق وانت مش عارف تعتق رقبة ممكن اشتراك انا وانت طالما المسألة بالقطاعي طب ما نشتراك مع بعض جايبة خد لي ودنها او اخد لي عين او اخد لي رقبة او اخد لي راس اي حاجة طالما انه قطاعي كده - 00:25:45

الرجل بالرجل والعين واليد واليد انا ما عنديش ممكن انا وانت نشتراك ثلاثة اربع يشتراكوا في عتق رقم. كل واحد هياخذ له حته منه يوم القيمة ففي مسنن الامام احمد في هذا الحديث كان علي بن الحسين بن ابي طالب رضي الله عنهما - 00:26:05

جالسا مع سعيد ابن مرجانة وهو يحدث بهذا الحديث. فقال له يا سعيد انت سمعت هذا من ابي هريرة قال نعم. فقال ادع لي مطربا. ومطرب هذا افرح عبد عنده طوب عرض تحطه على اوضة يعرشها. ما هو طالما المسألة ايد باید ورجل ب الرجل - 00:26:25 وزني والكلام ده كل ما قالش هات لي بقى ولد سفروت كده ولا جلد على عضم قال لي هاتوا لي بقى التخين الملزلز ده فجاء مطرب وقف قدامه قال له انت حر. ايه الاستجابة - 00:26:55

اللي كانوا الصحابة عايشين فيها دي عشان كده ربنا نصرهم. سبحانه وتعالى. وآآ في كل غزوات النبي صلى الله عليه وسلم لا نعلم ان النبي صلى الله عليه وسلم ساوا المشركين يوما لا في العدد ولا في العتاد - 00:27:15 غزوة بدر كانوا تلتمية واربعة عشر. والمشركون كانوا الفا. كان يأكلون في اليوم عشرة من الجمال. يذبحونها. وكان الصحابة يقتسمون التمرات ولم يكن مع النبي صلى الله عليه وسلم في يوم بدر غير فرسين. اللي هي تساوي الطائرات الطائرات المقاتلة النهارة - 00:27:35

كان معهم بعض البعران يتغذون عليها. كل واحد يركب مرحلة. وانتصر الذين كانوا يقتسمون التمرات على الذين كانوا يأكلون عشرة من الجمال. في غزوة احد كان الامر اطم واعجب بعد ما اتهزم المشركون في بدر وكانت فضيحة بجرأة وقدروا هيبتهم في الجزيرة العربية ومات صناديدهم - 00:28:05

العقوول المفكرة ابو جهل وعتبة ابن ربيعة والجماعة دول حتى ترأس فيهم ابو سفيان لذهب اكابرهم. بقى راس لان ما عدش حد كبير ماتوا كلهم. فطبعا عايزين ننتقل فبدأوا بقى ايه يرصدوا بقى الفلوس - 00:28:35

العير التي نجت في بدر اوقفوها لحرب النبي صلى الله عليه وسلم. اي بنى ادم كان له بضاعة غصب عنه لازم سيب الفلوس عشان احنا بنعد لحرب آآ الرسول عليه الصلاة والسلام. العين دي كانت الميزانية بتاعتها - 00:28:55

خمسين الف دينارا ذهبا. ان الذين كفروا ينفقون اموالهم ليصدوا عن سبيل الله. فسينفقونها ثم تكون عليهم حسرة ثم يغلبون. الاية دي نزلت علشان وقف العير لحرب النبي عليه الصلاة والسلام. تمام - 00:29:15

استخدمو بقى الحرب المعنوية. استعانا بالشعراة. ان هم يهيجوا القبائل فتحتوا باب للاحابيش اللي هم برة قريش فجابوا تقريرا حوالي سبعيني ورجل من الاحباش المهم في الآخر خالص كانت الموازنة كالاتي. المشركون - 00:29:35 عندهم سبعمائة درع. الدرع ده اللي هو الواقعى. معنى انك انت تدخل تحارب المسألة فيها سيف وايدك مكشوفة السيف ياخد ايدك خلاص. معلش هتحارب بايه؟ فكانوا يلبسون ادراع الحديد ويلبسون بيضة الحديد يضرموا على دماغه وتنزل على الحديد. يبقى عندهم سبعيني درع. وتلات تلاف مقاتل - 00:30:05

ومئة فرس مائة فرس اللي هو ايه؟ زي الطائرات المقاتلة ده. الصحابة كانوا الفا. وكان عندهم ميت درع. تمام؟ يعني مقاتل سيقاتلون حاسري الايه؟ الابدان. ما علهوش حاجة. لم كن معهم فرس واحد. ولا فرس. كان معهم في غزوة احد. ومنهم من قال ان كان في فرس - 00:30:35

والصحيح انه لم يكن معهم شيء كما هي رواية موسى ابن عقبة. الالف دول عبدالله بن ابي بن ابي بن لما النبي صلى الله عليه وسلم رفض المشورة بتاعته قام واحد تلتمية وراجع بهم. بقى عدد المسلمين كم؟ سبعيني. فقط - 00:31:15

ولما دارت رحل حرب اكتسحوهم في اول عشر دقائق ولا ربع ساعة ولا اول ساعة لحد ما خالفوا كان ما كان. في حنين اللي هو الصحابة قالوا لبعضهم لن نغلب اليوم من قلة. لم يكن عددهم يضاهي - 00:31:35

عدد المشركين ولا نصف عدد المشركين. ومع ذلك ما غلبوها في غزوة قط. ليه؟ علشان النوعية هي دي. النوعية دي. يسمع ينفر. لا يخالف. لا يضع احد في مقابل النبي صلى الله عليه وسلم لان ما فيش حد يوزنه. ولا يجوز ان يوضع احد في مقابله على الاطلاق - 00:31:55

اديني شباب عايز يقف في لحيته. ابوه معترض. طب ده اعفاء اللحية واجب وليس هذا تصعيدا على الناس. لو الحكم الشرعي بايدينا ولنا حرية التصرف فيه. كنا يسرنا على الخلق. واللي - 00:32:25

مش مشكلة. بس احنا ما نستطيع ان نتصرف. ده كلام كل العلماء المجتهدين اللائمة الاربعة وجماهير اصحابهم على وجوب الاعفاء.
ابوه بيقول له احلق. بيجي يقول لي احلق ولا هتطلع من البيت؟ فيجي يستفتني - 00:32:45

اقول له يا بني اطع ربك واطع اباك. يقول لي ازاي؟ اقول له لا تحلق واخرج من البيت هو ده الحل. يطيع اباه فيما يأمره به. اطلع من البيت ارميه على الرصيف. اعتبر نفسك يتيم - 00:33:05

وانطلق في الحياة ودور على نفسك. انت بقيت شاب كبير ومثله كان يقود الجيوش. لكن هي التربية التربية السيئة ان يفضل الاب يصرف على ابنه يطلع الولد يكبر يكبر الواد ما يعرفش يعمل حاجة اطلاقا ثلاثة وعشرين سنة يتخرج - 00:33:25

في جامعة وما يعرفش يعمل حاجة. بيتدى يلوظ. ابوه يقول له شف انت اهم حاجة تزاكر. ما لكش اطلاقا اي شغلانة انتبه لدراستك. زاكر خد الشهادة.انا هصرف عليك لحد ما تأخذ الشهادة. خد الشهادة بعد ما ياخذ الشهادة في ايده يقول له شف يا ابني - 00:33:45
انا كده هاموت وانا مرتاح. انا كده اديت اللي علي. طب هل هو ادى ما علي؟ هو مهمته يربى له حد نفسه شهادة؟ اه اكتر الناس يظنون ذلك. هيطلع الولد متربى غلط. ما يعرفش يعمل حاجة - 00:34:05

ويينظر بقى القوى العاملة وتوزيف الحكومة والكلام ده. وده برضه من افات المجتمعات الزراعية. المجتمع الزراعي عنده نوع من الرتابة لانه بيرمي البازرة يقدر يرويها وبتاع مش عارف ايه ويستنى اما تطلع وتنبت وبعدين يحصلها. ادي المجتمع الصناعي كل يوم - 00:34:25

بيتغير. ما فيش حاجة غالبة عند اي حد في المجتمع الصناعي. انما اللي عند المجتمع الزراعي كل حاجة غالبة. وعنده رتابة. يعني انا اقول لكم الحكاية عنى. كان البيت بتاعنا في القرية ينقسم لقسمين. البيت اللي احنا - 00:34:45

اذا كان فيه وبعدين البيت اللي تحت للمواشي والفراس والبط والوز والكلام ده. بين البيتين باب وسط باب كده عشان تمر من البيت للبيت. آآ البيت ده الباب ده بيبقى له شنكل كده او ترباس او كده. المهم الترباس ضاع - 00:35:05

ولو سبناه مفتوح بالفراس بتيجي والبط والوز ومشكلة هش هش طول ما انت قاعد تقول هش. طب عايزين نغلق الباب فقالوا لي قالوا لي هات حاجة تغلق الباب. انا بقى كنت في تالتة سانوي - 00:35:25

اعمل ايه؟ طلعت ادور على قولحة اللي هي ايه؟ بتاعة كوز الدرة. واحد بالك ازاي؟ اللي بينبت ايه؟ الحب بتاع الدرة. وجبت بقى شاكوش وقعدت احفر حفرة. علشان احط القلحة في البتاع - 00:35:45

يقوم يغلق الباب. خلاص عملت العملية دي. تاني يوم ما لقتش لوبة. طلعت ادور تعال قلها. طيب طب ما اجيب مسامر واتئه كده واطويه وخلاص واعمله زي الترباس. مش جاي على بالي. في نوع من - 00:36:05

خلاص قال لك هات قلحة واقفل الباب جبنا قلحة خلاص بيقى هي تفضل قلحة. طب ما اجيب شنكل اعمل مسامار اعمل اي حاجة؟ ده تفكير نمطي المجتمع الزراعي اللي عايش على الزراعة تفكيره نمطي. لا يتغير زي ما يحط البزرة يفضل - 00:36:25
هو حافظ يزرع ازاي؟ ويستنى ست شهور لحد ما تنبت وبعدين يحصلها وبعدين يخزنها كده. المجتمع صابع مش كده. فالصناعي كل يوم بيتغير. الدنيا كلها بتتغير. انا شفت مرة في في سويسرا. ولد - 00:36:45

انا اقدر سنه بحوالى سبع سنوات. مع ابوه وامه وهو شايل شنته الخاصة باللي فيها متاعه الشنطة دي اول ما شفتها افتكرت المخلة بتاع الجيش. برميل قد كدهو. والولد شايل وبينو - 00:37:05

وابوه وامه عمالين يضحكوا قدامه يدردوا والظاهر كانوا ايه؟ كانوا بقى ترانزيت ولا حاجة المهم بتلفوا في المطار والولد ايه؟ ينفع بالحمل تقيل عليه. المهم قام خالع الشنطة وراميها في الارض وقعد يتمرغ على الارض يعني نوع من الاحتجاج يعني. ان العملية تقل عليه وكده - 00:37:25

هم بصوا له وسابوه. انا ارقب المشهد. بصوا له وسابوه طبعا لانهم في الاخر هيلفوا لفتهم ويرجعوا له يعني. لا الولد بعد ما اتمرغ شوية في الارض كده قعد. وقعد يبص للشنطة شوية وبعدين قام واحد لافعها على كتفه وطالع - 00:37:45

يجري وراه. احنا بقى نقول له اه تقيلة عليك يا حبيبي؟ ها؟ لا هات اشيل بقى انت شايل تلات شنط وتشيل دي كمان علشان خاطر

الولد ايه الود يبقى مستريح والكلام ده. لأ ده نوع من التربية الخاطئة اللي احنا بنقع فيها. يطلع الولد ثلاثة وعشرين - 00:38:05
في الدنيا مش عارف يعمل ايه. احنا نحن الذين يعني اه اه ربينا اولادنا على هذا. احنا بنربى اولاد في التربية مهم يجب ان نربى
ابنائنا على السمع والطاعة للنبي صلى الله عليه وسلم. واختبر ابنك. اختبر ابنك - 00:38:25

ودي انا عملتها مع ابنائي. اقول له ايه؟ اقول له دايما حفظه وهو صغير. يا ابني النبي عليه الصلاة والسلام اذا قال قولوا واي حد في
الدنيا قال قولوا على خلافه اطع رسول الله. عليه الصلاة والسلام. خلاص - 00:38:45

طبعا ولد صغير استيعابه قليل. وبعدين ايه؟ بيجي الباب يخبط. بعد ما اعرفه ان لا يجوز ان يكذب ولا ولا ولا ييجي الباب يخبط
اقول له بص قل له ابويها بيقول لك قل له ابويها مش هنا. خلاص - 00:39:05

يطلع يفتح الباب ويقول له ابويها مش هنا. يدخل اقول له انت كذبت ليه احنا متفقين ان لا تكذب طب انا مش هنا لا تكذب المرة
الجایة لا تكذب بيجي المرة الجایة اقول له ابويها مش هنا يقولها برضو. مرة واثنين وتلاتة عشرة وعشرين الولد برضو ايه يسمع
كلامه. وبرضواه - 00:39:25

ارجع اقول له نفس الكلام. ليه؟ لأن الولد استيعابه على قدر سنه. لأن احنا عندنا الالفاظ كما يقول البلاغيون قولهن الفاظ طالب
المعاني ادي اللفظ. ده الكوبایة دي جسم الكوبایة ده القالب - 00:39:55

اللي هو اللفظ والمایة اللي جوة دي هنشبهها بالمعاني. فالولد الصغير يقول قولهن نفس الالفاظ التي يقولها الكبير. انت بتقول لواحد
صاحبك انا بحبك. او بتقول لمراتك انا بحبك. تمام؟ ابنك الصغير ابو ثلاث سنوات بيقول لك برضو انا باحبك - 00:40:15
وبيقول لامه انا بحبك. الالفاظ واحدة ولا لا؟ ببقى القالب واحد. تمام؟ لكن شعورك انت بهذا الحب وبمعناه كشعور الولد؟ لا. ببقى
المسئلة بتيجي ازاي المایة اللي جوة دي كاملة تكون مليانة. فانت عندما تقول اللفظ - 00:40:45

يكون المعنى على قدر اللفظ. المعنى من جوة مليان. الولد الصغير بقى المعنى عنده قد كده هو هو يقول القالب يقول اللفظ اللي انت
قلته بالضبط. لكن لا يقصد من المعنى الا بهذا القدر - 00:41:15

بعض الاباء يقدر يلاقي ابنته يقول له آآ الكبريت او عى تولع كبريت لأن ممكن تولع فينا. فاهم يقول له حاضر. الاب يلتفت
والواد الله! ياد مش انا لسه قايل لك دلوقتي اهو الكبريت؟ خلاص - 00:41:35

ويضربه. انت بتضربه ليه؟ الولد لم يستوعب ما قلته. انت بتصر بعندك. او ما بيسمعش الكلام ما وسعش الكلام اه لأن هو صغير. ولو
كان يفهم الكلام صغيرا لكلفه ريه. سبحانه وتعالى. انما اجل - 00:41:55

تكليف لحد ما يكبر والمعاني بتتدى تملأ القالب. عشان كده الولد الصغير احنا ينبغى ان نتعامل معه معاملة رفيقة. ليه القارب اه
بيقولوا صح زي الكبير. لكن المعنى اللي جوة القالب ينمو شيئا فشيئا يوما فيوما يوم يوما في يوما. كده - 00:42:15
ولا مانع انك انت دانما تستشير ولدك. وتشركه معك في اي قضية تخترعها. يعني مسلا تقول له يا ابني لو معك فلوس هتعمل بها ايه؟
ممکن يقول لك اجيب آآ آآ باللونات وانفث - 00:42:35

وتفرقع. اه فانت بتقول له طيب ما انت لما تفرقها في الهواء كده تبقى كأنك ضيعت الفلوس. لا انت معك فلوس بقى لو مر بك واحد
غلبان وواحد مسكين وبتابع جعان تقوم تدي له. تمام؟ سببه اسبوع - 00:42:55

اسألوا نفس السؤال. لو معك فلوس بقى هتعمل بها ايه؟ لو قال لك اجيب بلالين وافرقها ببقى الولد نموه العقلي واقف لو قال الكلام
اللي انت اوصيته به ببقى نمو العقل ماشي. تقوم تعرف مقاييس الولد - 00:43:15

تفكير العقل شكله ايه؟ هل هو واقف واقف؟ ببقى يستغنى فيها ويفضل طول عمره واقف كده؟ ولا عمال يرتقي فيرتقي بسرعة ولا
ييرتقى ببطء؟ ما احنا اتعلمنا هذا الدرس من قصة ابراهيم عليه السلام مع ولده اسماعيل. لما قال يا بني - 00:43:35

اني ارى في المنام اني اذبحك فانظر ماذا ترى؟ ايهرأيك في الموضوع ده؟ فكانت اجابة اسماعيل في غاية الرأي او عى قال يا ابتي
افعل ما تؤمر. تؤمر يعني ايه؟ يعني هذا الامر ليس في ملكه. ولا في - 00:43:55

بل لك امر ولو كان الامر اليك ما ذبحتني. ده انا جيت لك على كبر وبعد ما كبرت سنه تسعين سنة جاء له اسماعيل. فكلمة تؤمر وهو

صبي صغير اشار الى ان اباه ينفذ مأمور - 00:44:15

له آمر فيفعل. وبعدين قال له ستجدني ان شاء الله من الصابرين. يا السلام على ان شاء الله دي. ان شاء الله ده استثناء. ومن استثنى
لا يلام اذا خان - 00:44:35

عشان كده النبي صلى الله عليه وسلم قال من استثنى لم يحيث. واحد قال والله العظيم اذا ما عملت كذا هعمل فيك كذا. وبعدين ما
عملش يبقى حنت في اليمين يلزمك كفارة - 00:44:55

لكن لو قال والله العظيم ان ما عملت كذا ان شاء الله لافعلن بك كذا. ما عملش ما عليهوش حاجة. عشان كده الفقهاء يقول من قال
لامرائه انت طالق ان شاء الله لا يلزمك الطلاق. اذا لم يطلق. ليه - 00:45:15

قال لك ده استثناء ينفع العبد. فهو قال له ستجدني ان شاء الله من الصابرين لأن القلب ينفسخ عزمه. فإذا انفسخ العزم كانه قال أنا لا
حول لي ولا قوة. إنما المسألة موكولة إلى الله عز وجل - 00:45:35

وانا لا استطيع ان اصبر. ممكن انت تقرأ سيرة حد من العلماء تلبس الدور. ابن تيمية مسلا مش عارف ايه وراحوا خدوه وحطوه في
السجن وثبت على الحق وبتاع انت عمال تقرأ سخنت سخنت فتقول لنفسك لو جم خدوني دلوقتي وكرياجوني وموتوني وممش
عارف ايه انا هبقي زي الجبل - 00:45:55

خلاص هو بس انت بس ما ها اديك تعال عايزيين ايه؟ انا اللي عملت كل حاجة. هات بقى اما وقع بس ارحمونى. ها بقى عزم القلب
يبينفسخ. عزم القلب ينفسخ. فانت ما تجيئ بقى في الملمات والمصابب وتصور انك انت هتبقى جدع - 00:46:15

كوييس وزابت. فاسمعايل عليه السلام يقول ستجدوني ان شاء الله من الصابرين. فيعني لم الى نفسه وجعل المسألة موكولة الى الله
عز وجل فشيته. فالقصد يا اخواننا بقى الواحد وهو بيربي الولد يقوم يستشيره بقى في اي يجيب اي مسألة - 00:46:35
يفترض اي مسألة لها قيمة. وبعدين يقول له الكلام يشوف اجاية الولد الاول ايه وبعدين يجاوب الاجابة الصحيحة. وسيبه بقى يوم
يومين ويسأله نفس السؤال ويراقب هذا النمو العقلي. خلاص؟ فانت لما تقول له اذا النبي عليه الصلاة والسلام قال لك قولنا او سمعت
الله عز وجل يقول لك قوله - 00:46:55

وقال لك اهل الارض اجمعون. افعل كذا على الخلاف يابني لا تفعل. وتبتدي تتعاهد هذا الاصل الكبير مع الولد من الصغر انه لا
يضع في مقابل النبي صلى الله عليه وسلم احدا على الاطلاق. يطلع الولد عنده الدين سجية. النصوص كانت - 00:47:15

سهلة على الصحابة لانه لما كان يسمع النص ينفذه. فكان سهل انه ايه؟ انه ينفذ النص كما يتنفس. بقى عنده ملك او سجية خلاص?
يعني في صحيح ابن حبان من حديث أبي المصبح المقراني قال كنا نغزو بلاد الروم - 00:47:35

وكان تحت امرة ما لك بن عبدالله الخثعمي. ومعنى جابر بن عبدالله الانصاري. فجابر بن عبدالله الانصاري قال رضي الله عنهمما معه
بقى ايه؟ الركوبة بتاعته الدابة. بس ساحبها وهو ماشي جنبها. فمالك - 00:47:55

ابن عبد الله القائد الجيش يعني بيقول لجابر ايه؟ اركب فقد حملك الله. انت ماشي جنب الدابة ليه؟ اركبها وريح رجليك فقال له
جابر استغنى عن قومي واصلح دابتي. بريحها وفي نفس الوقت - 00:48:15

عن قومي سمعت رسول الله صلى الله عليه وسلم يقول من اغترت قدماه في سبيل الله باعد الله عز وجل بينه وبين النار. خلاص
اللي مخلي جابر بن عبدالله - 00:48:35

انه ايه طول ما هو ماشي رجليه عمالة تعفر وبتاع والعفار وده داخل مناخيره ولا يجتمع غبار ودخان جهنم في مسلم كما قال النبي
صلى الله عليه وسلم. عايزة ياخد الفضيلة دي. فمالك بن عبدالله اليزيدي اللي الخثعمي كان بيكلم جابر - 00:48:55

وايه وهم متاخرين شوية عن الجيش. اول بقى ممالك بقى في وسط الجيش. قام منادي على جابر بصوت عالي. قال له اركب فقد
حملك الله. فلما قال له الكلام ده ثاني فجابر فهمها. قال ده هو - 00:49:15

بيقول لي كده علشان انا اقول الحديث والدنيا دي كلها تسمع. خلاص؟ فلما فطن الى مراد ما لك رفع صوته ايضا في الاجابة. فقال
بصوت عال استغنى عن قومي واصلح دابتي. اني سمعت رسول - 00:49:35

رسول الله صلى الله عليه وسلم يقول من ايه؟ ها؟ من اغبرت قدماه في سبيل الله باعد الله بينه وبين النار. اول ما جابر ابن عبد الله قال الكلمة دي فتوائب الناس عن دوابهم. كل - 00:49:55

فما رأيت يوماً اكثراً منه ما شبيهاً كما رأيت في هذا اليوم. ايه رأيكم الاستجابة دي. اسمع من اتررت قدماه كله يقفز من على الدابة ينزل على الارض. لذلك عزوا وكان - 00:50:15

جديرين بان يؤيدهم الله عز وجل بالملائكة. وبسلاح الرعب. سلاح الرعب ده مخصوص هذه الامة بس تستحقه. يعني احنا مسلا بنسمع عن الاعاصير اللي عمالة تضرب البلدان. الاعاصير زي ما انا سمع النهاردة طبعاً الكلام من حوالي خمس ست سنين برضو اعصار ضرب بلد من البلدان كانت الخسائر المبدئية - 00:50:35

في اربعين مليار دولار. وطبعاً احنا طبعاً كلنا عارفين ان الارقام غير حقيقة. الارقام الخسائر لا حقيقة واي دولة في الدنيا لا يمكن تقول الارقام الحقيقة للخسائر. ابداً من باب رفع الروح المعنوية والكلام ده. اربعين مليار دولار - 00:51:05

لو انت داخل في معركة ما عدوك وتهضره يضررك ممكن تخسره اربعين مليار دولار في يوم اهو ربنا خسرهم اربعين مليار دولار. في يوم. خلاص؟ بعديها تسعه وعشرين يوم ضرب الاعصار جزيرة ايضاً من الجزر. وصغيرة جداً. كانت الخسائر المبدئية - 00:51:25 لهذا الاعصار خمسة مليارات دولار. يعني في شهر تلاتين يوم الخسائر المبدئية خمسة واربعين مليار دولار. فلماذا نفر من الله؟ وهو القوي العزيز. لا سيما واحنا عائشين الهزائم كل يوم هزيمة كل يوم بنشرب الهزائم. ونورث الهزائم لجيئنا وابنائنا. يطلع ابنااؤنا - 00:51:55

يرون اننا قوماً لسنا قوماً اعزاء. شربنا الذل والهزيمة والعار وعشنا على كده. سلاح الرعب النبي صلى الله عليه وسلم قال لما جه يفسره يعني ونصرت بالرعب مسيرة شهر. يعني ايه مسيرة - 00:52:25

يكون بيبني وبين عدو مسافة لو قطعتها اقطعها في شهر كامل هو مرعوب من مع هذا بعد ادي سلاح الرعب. وقدف في قلوبهم الرعب. لكن النهاردة هو اذا مكن لنا ونحن بهذا الحال ما الفرق بيننا اذا ملكتنا وبين الكافرين؟ ايه الفرق يعني؟ بلاد - 00:52:45 المسلمين مليانة احزاب. كل حزب له تصور في الحياة اذا حكم الحزب له برنامج. كان الله عز وجل ما انزل كتابه ولا ارسل رسولاً. علشان الاحزاب دي كلها بتضع تصورات جديدة للحياة - 00:53:15

وتضع معايير جديدة للحياة. وكل ده خارج الاسلام. طب والاسلام؟ قال لك الاسلام في المساجد تعبد ربنا وتعطيه زي ما انت عايز جوة الجامع. اذا خرجمت من عتبة المسجد يحكمك القانون - 00:53:35

اذا انت تمشي في الدنيا بامان القانون وليس بامان الاسلام. علشان كده انت ممكناً وتسأل اللي لابس ميكرو جيت يعدي ويأخذ تعظيم سلام. ليه؟ لانك لا تمشي في الدنيا بامان الاسلام. الاسلام يقول الطائع لربه عز وجل يمر. ويوقر ويدافع عنه. والعاصي يؤدي - 00:53:55

فلما يكون اي بلد من البلدان فيها حزب واثنين وتلاتة واربعة وخمسون بقى احزاب اخرى. وكل حزب لا ينطلق ومن دينه انما له تصور خاص يحقق مصالحه يحقق مآربه. يبقى احنا لو لو حكمنا هل ممكن - 00:54:25

تغير خريطة العالم بامثال هذه الاحزاب. طبعاً لا يمكن. ولذلك لا يمكن لنا ابداً الذين ان مكناهم في الارض اقاموا الصلاة واتوا الزكاة وامروا بالمعروف ونهوا عن المنكر والله عاقبة الامور. لم يمكن لك لان هو له - 00:54:45

عاقبة الامور. المشركون الان يرمون القمح في المحيط. ويرمون الدقيق في المحيط هنا البن في المحيط حفاظاً على السعر العالمي وتلت الكرة الارضية يموت جوعاً. لو ملك المسلمين هييمكن ان - 00:55:05

عند المسلمين فائض يرمونه في المحيط ويتركون هؤلاء يموتون وهم يسمعون نبيهم صلى الله عليه وسلم يقول لك في كل كبد رطبة اجر. ويسمعون النبي صلى الله عليه يقول دخلت امرأة بغي الجنّة في كلب سقتها. امرأة بغي يعني تتاجر - 00:55:25

بعرضها ما زالت مشرة ولا اثنين ولا تلاتة ولا اربعة زنت الف مرة. لو قلنا لاي رجل دارس شريعة امرأة زنت خمسين مرة وسقط كلباً. هل يمكن سقيا الكلب ديت تغفر زانية واحدة؟ الجواب - 00:55:55

لو سقت كلاب الدنيا لو سقت كلاب الدنيا لكن النبي صلى الله عليه وسلم يقول قالت امرأة بغي الجنة في كلب سقته. نزلت تشرب من الببر طلعت فوق لقت كلب يلهث الثوب - 00:56:15

ومن العطش ما فيش معها ماعون ولا طبق ولا بتابع لم تجد الا موقها والحزاء بتاعها نزلت صعب على سعر عليها يعني ملت المفسقة فشكر الله لها فغفر لها. لا يسأل عما يفعل. اه دي حاجة يعني وفي المقابل - 00:56:35

دخلت امرأة النار في هرة. وكمان النبي صلى الله عليه وسلم قال لا تجعلوا الدواب كراسى الدابة تركبها وهي ماشية. لكن اذا وقفت انزل من على ضهرها ما تعملاهاش كرسي. شف الرفق - 00:56:55

الدواب مش بالبني ادمين. الرفق بالدواب. وعندنا عندنا كتاب للحافظ السخاوي. رحمة والله في حكم الاسلام في الدواب. فلو ملك المسلمين يمكن ان يفعلوا هذا الذي يفعله الكافرون ابدا. ولذلك خسر العالم كثيرا بتناقض المسلمين عن دورهم. واحنا الان بنواجهه - 00:57:15

حملة تغريبية كاملة. اصول الاسلام نفسها بدأ يبقى فيها نقاش. والكفر البوح بينشر في ديار المسلمين باسم حرية الرأي. في احد آآ الدروس واحد شاب ارسل لي كتابا. الكتاب ده مؤلفه واحد - 00:57:45

ومنشور ديوان شعر. المقدمة بيقول فيها هذا الكاتب يا رب ليه يا رب رحمتك ما بتجييش. يا رب كفاية تطنيش. والله يا اخوانا انا اقول العبارة كما هي واحد يقول لربنا كده كفاية تطنيش! عايز بقى المصري ينزل! هؤلاء هم الذين - 00:58:05

تضيقوا الديار واغلوا الاسعار وهم اللي اخروا النصر. عشان كده المسألة يعني لها جذور عميقة بسبب تفريط الاباء في تربية ابنائهم. بقى احنا بقى الجيل بتاعنا جيلنا احنا عشان دقيقة واحدة بس - 00:58:35

الجيل بتاعنا جيل ابائنا الذي شرب كل الهزائم. نقل لنا الهزائم ايضا. واسن كان الشعار كل عيش بس احنا بقى مش عايزين نغلط هذه الغلطة. بقى نربى اولادنا تربية صحيحة. بقى التمكين ممكن يجي مش جيل ابائنا - 00:58:55

الابناء ابناءنا لكن سيأتي التمكين لكن اللبنة الاولى البذرة الاولى دي بالسمع والطاعة لله عز وجل ولرسوله صلی الله الله عليه وسلم يمكن حينئذ ان نسترد بعض ما وبه الله عز وجل لهؤلاء الصحابة الكرام. افضل يا اخي - 00:59:15

فنحن نريد ان نعلم ابناءنا السمع والطاعة لكنه لن يسمع او يطيع الا اذا عرف قدر الامر. قدر الامر وهو الله عز وجل يعرف قدره ويوقره ويعرف قدر النبي صلی الله عليه وسلم ويوقره. اذا قام كل منا بتربية ولده تربية - 00:59:35

صحيحة فلا شك ان هذا يؤثر على الجيل كله. يسمعون ويطietenون ولا يخالفون فلا جل هذا الصحابة كانوا اذا يعني سمعوا الامر من النبي صلی الله عليه وسلم لا يقول الواحد واجب ولا مستحب انما كان - 01:00:05

بادروا الى تنفيذه كما لو كان واجبا. ولذلك كان يصل الى سقف التنفيذ. هو لما يأمر آآ كما في حديث ابي الهيثم ابن التيهان. ابو الهيثم ابن تيهان ده صحابي جليل آآ كان له آآ بستان - 01:00:25

فجاع النبي صلی الله عليه وسلم يوما فخرج فوجد ابا بكر قال خرجت لاري النبي صلی الله عليه وسلم واصحابه. هو جوعان. بس ما قالوش - 01:00:55

السبب الحقيقي جاء عمر فمشيوا لحد ما لقوا عمر بن الخطاب ما اخرجك يا عمر؟ قال الجوع فقال النبي صلی الله عليه وسلم وهو الذي اخرجنني. وخدوا بعضهم وراحوا على بيت ابي الهيثم ابن التيهان - 01:01:15

سألوا عنه موجود قالت امرأته ذهب يستعدب لنا الماء خلاص؟ هم لسه واقفين جاء ابو الهيثم ابن التيهان ورحب بهم وقال ما احد اليوم ما اكرم اضيافا مني واتى بعدق سباته بلح كاملة ووضعها امام النبي - 01:01:35

صلی الله عليه وسلم فقال له النبي صلی الله عليه وسلم هلا تخيرت لنا من رطبه؟ قال كلوا انتم مش بقى لكم حرية الاكل ذهب ليذبح عنزة. قال اياك والحلول. لا تذبح حلوبا. المهم - 01:02:05

كل ده ابو الهيثم بيعمل الكلام ده بنفسه. اكله وشربه وحمدوا الله عز وجل. وقال له النبي صلی الله عليه وسلم اه اليك خادم؟ قال له لا. قال ائتي غدا. كان جاي بقى اعبد من البحرين - 01:02:25

فالملهم لما جا له تاني يوم قال له ايه؟ انتقي عبدا. كان في اتنين وصلوا. قال له انتقي واحدا منهما فقال يا رسول الله اختر لي. فقال صلى الله عليه وسلم المستشار مؤمن خذها - [01:02:45](#)

فاني رأيته يصلی. طبعا مش معناه انانا ما بصلبيش. ها؟ لكن ممکن يكون له هيئه حسنة بتاع عليه سمعته. قال له خذ هذا. قال خذها واحسن اليه. خل بالك اللي ما عندوش خاتم. وده هيكيفيه المؤمن - [01:03:05](#)

فلما اخذنا ودخل به البستان. فقلت له امرأته ماذا اعطيك النبي صلى الله عليه وسلم؟ قال اعطني عبدا وقال لي احسن اليه. قالت يا ابا الهيثم ما انت ببالغ وصية رسول الله صلى الله عليه وسلم الا ان تعتقه. اه طب ما انا احسن اليه طب ما اخف - [01:03:25](#)
الشكرا طب ما احسن ايدي باي حاجة البسه بردة ومعافري انا وهو نبقى مع بعض كده. لاما كانواش يعرفوا الكلام ده اذا امر بالامر وصل الى السقف. هم كده انعودوا على كده. فقال له - [01:03:55](#)

انت حر. اه طب هو النبي صلى الله عليه وسلم اداه له ليه؟ ما هو لما لقاه تعبان وشقيان ورایح وهو بيخدم نفسه فاداهوله. لكن لما يقول له خذه واحسن اليكم الست الصالحة دي تشير عليه تقول له ما انت ببالغ وصية رسول الله صلى الله عليه وسلم الا ان تعتقه - [01:04:15](#)

вшوف كيف فعل ابو الهيثم برضه ابو طلحة الانصاري ذاك الرجل الجواد ليلة من الليالي عمال يتقلب في الفراش بتاعه. مش جاي له نوم. امرأته المرأة العاقلة التي لو وزع عقلها على نسائنا لضججنا من عقول نسائنا. الرساوة بتاعتتهم ومن عقلهم والكلام ده. لو عقلها بس يتوزع على النساء - [01:04:35](#)

كلنا. ام سليم رضي الله عنها. امرأة ابى طلحة. شافتة عمال يتقلب في السرير ومش جاي له نوم. قالت ما لك يا ابا طلحة؟ ارادك منا امر يا سلام على الكلمتين بكل ما اقرابهم جلدي ينمل. ارابك منا امر فنعتبك - [01:05:05](#)

يعني انا غلطت في حاجة اعتذر لها المست بقى جوزها مش اتقلب على السرير اتقلب على البلاطها ما لك يا جدع! ما لك يا راجل! ها!
اه مسألة الملاحزة دي قلت - [01:05:35](#)

قلت غباء المرأة بسبب ان الامهات ما ربوا النساء. الست العاقلة اول يوم تدخل يدخل عليها زوجها تبقى منشغلة بمفاتيح شخصية هذا الزوج. كيف ترضيه لازم يصرح مية مرة انا بكره الحاجة ديت ما تعليهاش. لأنتعلم بقى ازا خد نفس وما اتكلمش - [01:05:55](#)
يبقى عايز يقول ايه؟ بص للسقف يبقى عايز يقول ايه. والست تقدر توصل للمرحلة دي بسهولة. لو انها راقبت مفاتيح واية ذلك معلش انا بطلع كتير لكن اهو كله فايدة. اية ذلك ان الام لما - [01:06:25](#)

ولد صغير بيصرخ الولد اللي بيصرخ ده بيصرخ بسبب تلت حاجات وممكن تزيد لاربعة ولا اي حاجة لكن تلت حاجات اما انه بيصرخ لانه جائع واما بيصرخ لانه عنده مغض واما بيصرخ عايز يتusal عايز حد يشيله. الام - [01:06:45](#)

هي شغالة في المطبخ منهمكة. الواد يصرخ مرة تلاقيها سابت شغلها وجرت عليه. ومرة تسيبه يرن ايه اللي خلاها تجري في المرة دي وايه اللي خلاها تصر على صرافي في المرة الثانية؟ هي عارفة كل صرخة لها رنة - [01:07:05](#)

سرقة المغض لها رنة. انت لو قلت لها او صفي لي الرنة دي تقول لك ما عرفش. هي حاجة كده بتدخل في قلبي اعرف اللي عنده مغض. اعرف انه جعن. اعرف انه بيدلع. الرنة دي كيف لاحظتها المرأة - [01:07:25](#)

مع ان الفرق بينهم يعني لا يدرك الا بالقلب. كما انها وصل فهمها الى التمييز لأددهم الرجل اسهل من كده. يتم تراعيه دي بتكبر في قلبها جدا. اوبي - [01:07:45](#)

ده شف عائشة رضي الله عنها لما في الحديث في الصحيحين لما احنا في نساء بيسمعونا؟ ها؟ طيب ماشي حلو اوبي ها بس انا مش عايزهم يزعلوا لما قلت غباء المرأة يعني. هو برضو فيهم اغبيا وفيهم ازكية برضو. والرجاله فيهم كده برضو - [01:08:05](#)

اه في الصحيحين من حديث عائشة رضي الله عنها قالت كان الصحابة يتحررون بهداياهم ليلة عائشة عارفين انها محبة للنبي صلى الله عليه وسلم. وحبيب حبيب حبيب. فعلشان يوصل له لقلب النبي برضو والكلام دهوت وهو عند السيدة عائشة يقوموا يودوا الهدايا - [01:08:25](#)

فتكون عندها هدايا كثيرة زوجات النبي صلى الله عليه وسلم والآخريات عندها هدايا ملأت أوضة واحنا معندياش حاجة طب نعمل ايه في المسألة ديت فقال لك نرسل للنبي صلى الله عليه وسلم احب الناس اليه. يتوسط في العملية دي. فارسلوا فاطمة اللي هي حته من النبي - 01:08:45

عليه الصلاة والسلام. فالسيدة عائشة بتقول اهانا وانا مع النبي صلى الله عليه وسلم وهو في لحافي دخلت فاطمة لا تخطي مشيتها مشية رسول الله صلى الله عليه وسلم. بتمشي زي بالزبط. حركة ايديها وحركة جسمها زي عليه الصلاة والسلام. فلما رأها - 01:09:05

قال اهلا بابنتي. واجلس على السرير ما تريدين يا ابنتي؟ قالت يا رسول الله ان زوجاتك يسألنك العدل في ابنة ابي قحافة. ابنة ابي قحافة اللي هي عائشة. فالنبي عليه الصلاة والسلام فطن وعرف هي - 01:09:25

ماذا تريدين؟ قال بنيني اتحببني؟ قال اجل. قال احبي هذه. خلاص خلصت. ما عدش كلام بعد كده. رجعت. وكنا ازواجه النبي صلى الله عليه وسلم مؤتمرات في بيته حداهن قاعدين كلهم في ايه في بيت واحدة مستنيين الايه؟ الرد. فدخلت فاطمة فقالت والله لا ارجعها فيها ابدا - 01:09:45

فارسلنا احب ازواجه اليه بعد عائشة الا وهي زينب بنت جحش رضي الله عنها ام المساكين. فدخلت زيد. برضو النبي صلى الله عليه وسلم برضو ايه والنبي في دخلت زينب فتكلمت واضجعت. قالت كلام تقيل - 01:10:15

خلاص؟ يا عائشة رضي الله عنها تقول وهي التي كانت تساميني في ازواجه النبي صلى الله عليه وسلم. احنا كفرسة يا ريهام تساميني في المنزلة الشاهد بقى من الحديث ده. قالت عائشة بعد ما السيدة زينب كلمتها كلمتين كده تقال يعني - 01:10:45

قالت فنظرت الى وجه النبي صلى الله عليه وسلم. هل يكره ان انتصر؟ يعني لو رد لو ردت عليه هيزع شف رعاية المرأة لزوجها. تبص لوشة. عارفة تقسيم وشه ترد امتي وتسكت امتي؟ هو ده دي المرأة الصالحة؟ زوجها مش يحتاج يقول لها انا - 01:11:05 بتندك لما تعملي كذا. وكل ما ييجي تندك عليه يقول لها انا بتندك انك تعملي كذا. فلما يسجل ساعة كاملة على انا بتندك انا بتندك يقوم مشغل الايه؟ التسجيل. انا بتندك انا بتندك عشان الولية تنتبه - 01:11:35

وتاخد بالها وب Russo ما فيش فايدة. يبقى دي كيف تصل في قلب زوجها؟ ازاى ترتقي المرأة اللي زي دي؟ وهي غبية بهذه الصورة لا يمكن طبعا تصل. لكن المرأة لما تكون لماحة والزوج طبعا برضو بيبقى لماح يعرف المرأة فاهمة ولا لا. فاتبع مراضيه ولا لا؟ لا شك انها - 01:11:55

تصعد على قبة قلب. فعشان كده احنا بنقول ام سليم ابو طلحة مش بيتقال في السرير مش جاي له نوم. تقول له انا غلطت لو انا كنت غلطت في حاجة قل لي وانا اعتذر بس عرفني غلط. هل رابك منا - 01:12:15

شيء فتعتبك؟ فقال لها نعم حلية المرء المسلم انت. ما فيش زيك. ولكن جاءبني مال ولا ادرى ماذا افعل فيه. قالت يا ابا طلحة اقسمه في ارحامك. قرايبك وكان المال اللي وصل لابي طلحة ثلاثمائة الف درهم. فقال لها نعم الرأي - 01:12:35 يعني كانت غاية عنه. يعني هو لو عايز بقى يفرق التلتيميت الف دول مش هيعرف يوديهم فين ابو طلحة؟ هيعرف يوديهم فين ثم انظر الى ام سليم كيف اشارت عليه؟ اقسموا في ارحامه. قال نعم الرأي. ونام - 01:13:05

الصحابة دول جيل ليس له نظير. عشان كده اللي يتعدى على الصحابي لو فيه سلطان شرعى يؤدب تعدى على صحابي وانا يعني مش عايز يعني حد يتهمني بالمباغة واقول ان اشتراك نعل اي صحابي افضل من امة من هؤلاء - 01:13:25

ان لعنه كان يغير به في سبيل الله. كان يلبس النعل ده وهو يجاهد وما كانوا يمشون بالنعال الى معاصي انما الى مراض وھؤلاء ضجت الأرض منهم ومن فسقهم ومن - 01:13:45

ومن تعديهم. يسبون اصحاب النبي صلى الله عليه وسلم. ويذعن الزاعم منهم ان اصحاب النبي صلى الله عليه وسلم ماتوا جميعا على النفاق ما عدا زد. ماتوا جميعا على النفاق. يعني يبقى اذا كل الاحاديث التي رواوها وفيها الاحكام الشرعية نسقطها - 01:14:05 لانه منافق. لانه فاسق. يبقى انا هচعد كل الروايات اللي هتتيجي عن طريقه. يبقى هذا الضياع المبرم للدين. عشان كده تربية ابنائنا

على محبة هذا الجيل ده طوق من اطواق النجاة. واصحابي امانة لامتي - [01:14:25](#)

فاما ذهب اصحابي اتى امتي ما توعد. فالصحابة امنة لهذه الامة. احنا نعلق اولادنا بهذا الجيل الفريد الذي لا نعلم جيلا جاء بعده قط مثله بل ولا اعلم جيلا قبله - [01:14:45](#)

احنا عندنا اصحاب موسى عليه السلام. ما الكلام الذي قاله موسى فيهم عليه السلام؟ قالوا الله عز وجل واختار موسى ماشي.انا عايزك تأخذ بالك كنت بتقول الكلمة اللي انا وقفت عليها. واختار موسى من قومه. في قومه - [01:15:05](#)

غلط؟ اه. الصح ايه؟ واختار موسى قومه. ما قلش منه قومه سبعين رجلا لم يقيقاتنا. السبعون دول لما راحوا هناك في المناجاة قالوا لن نؤمن لك حتى نرى الله جهرا. دول افضلبني اسرائيل. عشان كده - [01:15:35](#)

لم يكن سياق واختار موسى من قومه مما يدل على انه لم يترك خلفه فاضلا. هم دول الفضلاء بس. هم دول قوم لو كان واختار موسى من قومه يبقى خد شوية فضلاء وساب شوية وراح. لأن مين للتبعيض؟ لكن لما - [01:16:05](#)

اقرأ واختار موسى قومه يبقى لهم دول بس. واللي سابهم وراح لأفضلبني اسرائيل السبعين بقى النقاو منبني اسرائيل يقوم يروح يقول له لن نؤمن لك حتى نرى الله جهرا - [01:16:25](#)

امااللي سابهم عملوا ايه عبدوا العجل. عرفت انهم حجر سابهم وراح. عبد العيد والنقاوة قالوا له لن نؤمن لك حتى نرى الله جاهرا. كان حكم موسى على السبعين الفضلاء دول ايه - [01:16:45](#)

بما فعل السفهاء منا يعني افضل سبعين عنده سفهاء امال اللي سابهم قرائيه ايه؟ معه لا يوجدنبي حظي باصحاب كنبينا. اصحاب مباركين نحن لا نعلم نبيا من نحن لا نعلم شيئا عن حياة اي نبي من الانبياء ولا تفاصيل حياته - [01:17:05](#)

لا نعلم شيئا عن ابراهيم عليه السلام كيف كان يأكل؟ كيف كان يشرب؟ كيف كان يعامل نساوه؟ كيف كان يعامل اولاده؟ كيف كان ينام اذ فكان يقوم ولا نعرف الكلام ده عن اي نبي. هو نبينا صلى الله عليه وسلم فقط. مين اللي - [01:17:35](#)

ينقل لنا كل هذا الكلام. اصحابه حتى قيل لخباب بن الارت رضي الله عنه اكان النبي صلى الله عليه وسلم يقرأ في الظهر والعصر قال قال نعم. فايش عرفك؟ دي صلاة سرية. قال - [01:17:55](#)

كيف كنتم تعرفون ذلك؟ قال باضطراب لحيته. هم بيصلوا ورا ولحية النبي صلى الله عليه وسلم تملأ ما بين عن الريب تزدعش كده لما كان هم يرقبونه في هذا. ويقول ابو حميد الساعدي قلت لارقبن صلاة رسول الله - [01:18:15](#)

صلى الله عليه وسلم. قام رايح قاعد جنبه وهو بيصلی. عشان يشوف بيعمل ازاي وبيتنى صوابع رجله ازاي وبيفلت صوابعه ولا بيضمها والكلام ده يقوم يروح يالله. ازواج النبي صلى الله عليه وسلم نقلوا كل شيء وكانوا يروحوا يسألوا عن عبادته في بيته وكان كيف كان يفعل في بيته - [01:18:35](#)

فما نعلم نبيا حظي بصحابي خير وبر وتقى ووفاء كنبينا صلى الله عليه وسلم يبقى ايه؟ نبتلى بقى بالعقوق لهذا الجيل الكبير الفريد الذي نقل لنا هذا الدين بمثل هذا التفصيل؟ والله هذا عقوق ما نستقل به - [01:18:55](#)

ولا نستطيع ان نتحمله. عشان كده يا اخواننا تربية الاولاد على محبة هذا الجيل. بدل ما بتقول له مثلا بالليل حدوتة ابو وابو رجل مسلوبة ما نقول له حدوتة حد من الصحابة عشان يحفظ الاسماء الفاضلة ديت. اجيب له بقى ابو بكر الصديق واكرر عليه - [01:19:15](#)

واسوغ الحكايات الهجرة ودخول الغار والكلام ده اصوغها باسلوب شيق حلو الولد يحب ويعتبر انه حدوتة وقصة بيسمعها قبل ما ينام يقوم يترك سمعه هذا القصص يطلع الواد متربى على ما تحدث هذا الجيل يحكون في قصة محمد الفتح واختتم - [01:19:35](#)

الكلام بها ان امه كانت تأخذه على شاطئ البحر. وهو صغير وتحديثه ان بلاده وراء هذا الماء ان في بلاد وراء هذا الماء ينبغي ان ان يدخلها الاسلام. طلع محمد الفاتح بيحلم بركره البحر. نفسه يرى ما هي البلاد لان هو طبعا لما يعني يرسل - [01:19:55](#)

وهو لا يرى شيئا. لا يرى غير الماء. ايه بقى البلاد اللي وراء الماء دي؟ فكان نفسه يعرف البلاد اللي وراء دي من الله عز وجل عليه وعلى جيشه ونال البشرى الاولى. اللي النبي صلى الله عليه وسلم قال فيها لتفتحن قسطنطين - [01:20:25](#)

ورومية. فقيل يا رسول الله اي المدينتين تفتح اولا؟ قال قسطنطينية فتحها محمد. فتح قسطنطينية اللي هي في تركيا. وحول كنيسة صوفيا الى مسجد. وآ يعني قصة محمد الفاتح معروفة وتبقي روما مستفتح. بشاره رسول الله صلى الله عليه واله وسلم.

ولكن - [01:20:45](#)

ليس بهذا الجيل. فانت اذا كان يعني ابوك قصر في تربيتك. وما فتحش عينك عن الاسلام اديك سمعت الكلام. يبقى قم بالواجب المنوط بك وربي ولدك. واختر ولده ولا دين واوقفهم لله عز وجل. ومش معنى الوقف لله انه لازم يطلع فقي. زي ما الناس يقول لك كل ما نقول وقف يقول لك فقي - [01:21:15](#)

ده في حكاية عجيبة جدا ان ولد كان في آ في مدرسة ميري مدرسة يعني العام الحكومي. وبعدين الولد ده وهو سنه سبع سنين عمي. فلما عمي ابوه قام مطلعه من المدرسة موديه الكتاب - [01:21:45](#)

القصة دي قيلت لشيخ من الشيوخ فتلا قوله عز وجل ويجعلون ما يكرهون. يعني الواد مية يبقى يتعلم طب وهندسة والكلام ده. ان اصابته افة يبقى بتاع لا انا عايزة توقف هذا الولد لله ويطلع زى ما هو عايزة يطلع طبيب - [01:22:05](#)

يطلع مهندس يطلع اي حاجة بس يبقى لله. اذا كان طبيبا سيكون لله. مهندسا سيكون لله. كناسا سيكون لله. مش لازم يعني يعني لما اقول لك او قفه لله عز وجل لازم يطلع فيه ايه لان ممکن الولد ما يكونش عنده موهبة العلوم الشرعية. برضه ما انت لازم تراعي المسألة دية. انت نفسك اه يبقى عالم. لكن ليس عنده - [01:22:35](#)

الموهبة فخلاص لا نقف امامه ونقول له لا لازم تطلع يعني لازم تطلع. لا لكن اذا رأيت نباهة في الولد وجبت له المربيين وقعدت مع طلاب العلم والشيوخ والكلام ده فرأيت فيه نبا فتعاهد الولد. وان شاء الله في يعني اليوم الاخير اللي هو يوم الاثنين - [01:22:55](#)

القادم باذن الله تعالى في هذا المسجد هحاول اكتب يعني ايه نواة مكتبة آ لطالب العلم اللي هو بحيس ان اي واحد من الجلوس انفعل كده ونوى بقلبه ان هو يعبد ولدا لله عز وجل او يعني يوقف ولدا لله - [01:23:15](#)

تعالى في العلوم الشرعية ولا حاجة يبقى يعرف يشتري ايه. خلاص يبقى في كل فن من الفنون فن الحديث التفسير العقيدة اللغة اي حاجة من دي اكتب تلات اربع خمس كتب كنواة. مثل هذه المكتبة. نسأل الله تبارك وتعالى ان ينفعنا واياكم بما علمنا - [01:23:35](#)

وان يعلمنا ما جهلنا وان يجعل ما قلناه وما سمعناه زادا الى حسن المصير اليه وعتادا الى يمن القدوم عليه انه لكل جميل كفيل وهو حسبنا ونعم الوكيل السلام عليكم ورحمة الله - [01:23:55](#)